

Prestasi syarikat China merosot

» Lewat hantar penyata kewangan beri kesan negatif di Bursa Malaysia



RITA BENOY
BUSHON

Sejak kebelakangan ini, beberapa saham syarikat dari China yang tersenarai di Bursa Malaysia merosot dari segi prestasi termasuk ekoran penyebaran lewat penyata kewangan, sekali gus memburukkan lagi persepsi negatif pelabur terhadap saham berkenaan.

HB Global Ltd gagal untuk menyerahkan penyata akaun teraudit bagi tahun kewangan 2013 (HB Global baru saja menamakan juruaudit luar).

Sementara itu, China Stationery Ltd pula memberikan alasan kebakaran loji di Fujian puncak utama tidak dapat mengeluarkan penyata akaun kerana juruaudit luar syarikat tidak dapat memberikan sebarang pendapat mengenai penyata kewangannya.

China Ouhua Winery Holdings Ltd pula baru saja mengumumkan kerugian terbesar yang pernah dialami syarikat setakat ini.

Pengumuman terkini di Bursa Malaysia menunjukkan tiga daripada 12 syarikat tersenarai China di Bursa Malaysia gagal menyerahkan penyata akaun tahunan tepat pada waktunya, justeru menambahkan lagi persepsi ne-

“Tambahan pula pertumbuhan ekonomi China yang lebih perlahan kini mungkin akan memberikan tekanan terhadap prestasi syarikat itu”

gatif pelabur.

Tambahan pula pertumbuhan ekonomi China yang lebih perlahan kini mungkin akan memberikan tekanan terhadap prestasi syarikat itu.

Perlu berhati-hati

Kami percaya pelabur harus lebih berhati-hati terhadap pelaburan mereka dalam syarikat sebegini.

Keputusan kewangan Penerangan Malaysia (MAS) yang kurang

baik bagi suku pertama tahun kewangan 2014 memang sudah dijangka.

Prestasi MAS sejak beberapa tahun lalu sudah merosot dan kini semakin terjejas susulan insiden MH370 yang mengakibatkan permintaan perkhidmatan lebih perlahan baru-baru ini.

Pemegang saham mengalami kerugian dari segi hilangnya nilai saham disebabkan tindakan yang sudah diambil mahupun tindakan yang kurang berkesan diambil pihak pengurusan tertinggi, termasuk kegagalan mereka menghentikan penurunan prestasi syarikat sejak beberapa tahun lalu.

Untuk makluman, MAS masih mempunyai aset yang merangkumi 151 pesawat dengan usia purata kurang daripada lima tahun menjelang akhir tahun 2014 dan baki tunai melebihi RM3 bilion.

Stuktur semula

Pinjaman pula berjumlah sekitar RM11 bilion. Apa saja tindakan yang diambil perlu dilakukan secara realistik, berani dan pantas untuk memastikan syarikat masih boleh diselamatkan serta di-

uruskan secara efektif.

Pandangan kami antara pilhan adalah menjadikannya sebagai syarikat persendirian dan menstruktur semula MAS dengan mengambil kira penilaian dan harga keluar yang sewajarnya.

Akhir sekali, dalam pengumuman mengenai keputusan Program Transformasi Ekonomi (ETP) dan Program Transformasi Kerajaan (GTP) 2013, pendapatan negara kasar (PNK) Malaysia per kapita telah mencatat peningkatan 42.5 peratus daripada AS\$7,059 (RM) pada tahun 2009 ke tahap AS\$10,060.

Pencapaian ini memang memberangsangkan, bagaimanapun, kami berpendapat tumpuan sama juga perlu diberikan kepada isu kos yang makin meningkat dan tekanan inflasi, yang jika tidak ditangani boleh menghapuskan sebarang peningkatan pendapatan yang telah diperoleh sejak lima tahun lalu.

Penulis
ialah Ketua Eksekutif Badan Pengawas Pemegang Saham Minoriti Bhd (MSWG)